

# چيزك حاكيم

## صالى

نومرو	شوال	سنه	اغستوس	سنه	صيفه
۱۶۳	۸	۱۲۹۹	۱۱	۱۲۹۸	۱۲۹۷

\* اشبو غزته بهر هفته صالى كونلرى چيقار . سنه لى مجيدى اچقه التمش غروشدر بهر نسخه سى التمش \*  
 \* پاره مجيدى به اوله رق هر يرده صاتيلور . درج اولنه جق اعلانا تگ بهر سطرندن ايكي غروش النور \*  
 \* سنه لى كنه مشترى اولوق استيانلر عدليه نظارت جليله سى اوراق مدير لى كنه مراجعت ايتلدر \*

( يوز التمش ايكنجى نومرولى جريدهء محاكمه مندرج )  
( اعلامك بقيه سى )

مستأنف وكيلى كلامه دوام ايله مذكور اعلامده محرر اولديغى اوزره معامله يى مؤكلى قيريل اوزرينه يوريدىكنى و حجزك مغاير نظام اوله رق اجرا ايدلديكى بيان و مستأنف عليه وكيلى اوسكههان افندى مأمور حسيله معامله تىك اوغلى نامنه جريان ايلسى مالك قيريل افندى به عائد اولديغنه دلالت ايدمه ميوب بالعمكس برخانه ده اقامت ايللرى مالك پدرينك اولديغنى مؤيد و حجزك اولوجهله اجرا ايدلسى دخی موافق اصول بولنديغنى والحاصل مالك اوسكههان افندى به عائد اولديغنى محكمه جه متعارف اولوب اولصورتله حكم ايدلسى بجا ايدوكنى وسبق ايدن تحقيقات مكرره دلالتيله مال اوسكههان افنديك بولنديغنى ثابت اولديغنى درميان ايلديلر

اصول محاكمه حقوقيه قانون موقتىك التمش يدنجى ماده سى موجبجه مرافعه تىك ختام بولديغى رئيس طرفندن افاده ايله اعلامه درج اولنامسى و بودعواده مدعى عمومى بولندير نامسى جهتلى اعلامك فسختنى موجب اولوب ايش حكم ويره بيلك درجه سنده تحقق ايلديكىدن و مذكور مغازه اشيا سى اوسكههان افنديك اولديغنى اقراريله ثبوت بوله رق اولبايده حكومت محليه ايله بينلرند، خيلى مدت معامله و محاكمه جريان ايتش و نهايت محكوم اولش ايكن قيريلك مذكور اشيا كندوسنىك اولديغنه دائر اولوقت دعواده بولنامسى و اعتراض على الغير دعواسى اقامه ايتماسى و مؤخرأ اقامه ايتديكى دعواده اشيا كندوسنىك اولديغنى اثبات ايدمه مامسى و مذكور اشيا اوسكههانك اولديغنى تواترأ ثابت اولمغله بر مغازه يى بر آدمك اداره ايتسى ايچنده بولنان اشيا پدرى اوسكههانك اوليويده كندى مالى اولديغنه دلالت ايدمه جهكى جهتله

مدعى عمومى معاونى توفيق بكك ويرديكى ادعانا مده ادعاسنىك دينه قرار ويرلسى لزومى مندرجدر

اولنان سؤال اوزرينه بشقه برديه جكلرى اولديغنى طرفين و كيللرى سويلدكارندن محاكمه لرينك ختام بولديغى افهام ايلدى

ايحاب كيفيت لى المذاكره مستأنف و كيلي بالاده بيان وايضاح ايلديكى اسبابدن طولاني اعلام مستأنف بهك فسختى طلب ايدرك اعلام مذكوره دكانده بولنان اوراق و دفاتر معايه اولندوقده هر نقدر قيريل افندى اوزرينه معامله اخذ واعطا يورديكى اكلاشيش ايسه ده ارزنجانندن كله ايدنبرو پديريله الان برلكده برخانه ده اوتوردىغى و مذكور مغازه اوسكههان افنديك مالى اولديغى ارضرومجه متعارف و امثاليه بويولده سبق ايلديكى و مذكور دكار جانب حكومتدن تحت تمهيره النديغنده حاضر اولوب اولوقت كندى مالى اولديغنه دائر پروتستو كشيده ايلماسى دعوانك بطلاننى موجب اولديغى كى عواديس مقدا ادعايه قيام ايله حقسزلىغى تبين ايتسيله مؤخرأ كندوسنك بويولده ادعايه قيام ايلسى واهى بولنديغى جهتهله مذكور مغازه مالى اوسكههان افنديك مالى اولديغنه قرار و يرلديكى كوسترلش اولوب حالبوكه مغازه ده بولنان دفاتر و اوراقك معايه سيله مستأنف قيريل پاياسيان افندى اوزرينه اخذ واعطا معامله سنك يورديكى اعلامده بيان ايلش ايكن اشياى مذكوره نك اوسكههان افنديك اولديغنه قرار و يرلسى و اصول محاكمه حقوقيه قانون موقتك التمش يديجى ماده سنه توفيقاً ختام محاكمه نك طرفينه افهام ايلماسى يولسر كورنديكنه ميني قانون مذكورك يوز طقسان يديجى ماده سى مو جبنجه اعلام مذكورك فسختيله اساس دعوى قرار قطعى ويره بيلك درجه سنده تحقق ايلد يكندن بوراده فصل و حسمنه و مستأنف عليه و كيلي مذكور مغازه اشيا سنك اوسكههان افندى يه عائد بولنديغى



ادعا ايلكده ايدوكندن قانون مذكورك التمش سكرنجى ماده سنه توفيقاً دعواسى اثباته مجبور بولنديغنه اكثر يتله قرار و يريله رك طرفين و كيللرينه تفهيم قلمشيدى

بونك اوزرينه طرفين و كيللرى كله رك مدعى عموى معاونى توفيق بك حاضر اولديغى حالده مستأنف عليه بولنان مالى و كيلنك ابراز واعطا ايلديكى تلغرافنامه بالمطالعه والى ولايت ارضروم مصطفى و متصرف مر كرمجدهاشم و دفتردار حسنى و مكتوبى احمد قدرى و نائب ابراهيم برهان و مفتى عمر فاضل و اعضا كرقور شعبانيان و محمد سعيد و همامب امضا لرينى و ۲۳ كانون اول سنه ۹۷ تاريخى شامل ومتى اوسكههانك مالى اولوب ذمتچون مجبور مغازه تحت مهره النديغنده اوغلى قيريل حاضر ايكن بر كونه ادعا ده بولنديغى و پروتستو ايتديكى كى بومغازه محتوياتك كندى مالى اولديغى دختى مغازه نك تمهيري تاريخندن اتى ماه صكره خدمه سنندن عواديس بالادما محكمه تجارجه جريان ايدن محاكمه ده حقسز لغى ثابت اولد قدن صكره مستأنف قيريلك بويله بر ادعايه قالمششم اولسى مال مذكورك اوسكههان افندى يه عائد اولديغنه دلالت ايلديكى جهتهله دعواى واقعه سنده حقسز لغنه و مصارف محاكمه اوله رق زيرده مرقم ايكوز قرق بش غروشك مستأنف رجوع ايتك اوزره مستأنف عليه دن اخذ واستيفه قلمسنه درجه ثابته اكثر يتله قرار و يريله رك طرفين و كيللرينه تفهيم قلدنى

مستأنف و كيلي مذكور تلغرافنامه نك محتوياتى مقدا كرك بدايت محكمه سنندن و كرك محكمه استينافده ابراز ايديلان دلائل خارجنده برشى اولوب اتى تكراردن عبارت بولنش و ذاتاً بدايت اعلامى فسخت ايلش اولديغندن بوكاجواب و برمكه كندوسنجه مجبوريت كوره مديكنى بيان و مالى و كيلي مقدا ارانه ايديلان اثباتردن فضله اوله رق مذكور مغازه نك مهر لنديكى صره ده قيريل افنديك دختى حاضر بولنوب بر كونه پروتستو و دعوايه تصدى ايتديكى مستبان اولديغى افاده و مدعى عموى معاونى توفيق بك مغازه مالنك

كندوسنه عائد اولديغى اثبات ايتك مستأنفه عائد اولديغندن اولو جهله اثبات مدعا ايلدى ايحاب ايله جكنى اثبات و اولنان سؤال اوزرينه بشقه برديه جكلرى قالمديغى طرفين و كيللرى درميان ايلدكارندن محاكمه لرينك ختام بولديغى افهام اولدى

ايحاب كيفيت لى المذاكره مستأنف و كيلي پديرينك ذمتچون تحت تمهيره النان مغازه موكلنك اولديغندن مهرك فكيه طرفنه تسليمى طلب ايلكده بولنش ايسه ده اشبو مضبطه مفادينه نظراً اوسكههانك مالى اولوب ذمتچون مجبور بولنان مغازدك تحت تمهيره النديغى صره ده اوغلى مستأنف قيريل افندى حاضر ايكن بر كونه ادعا ده بولنديغى و پروتستو ايتديكى كى بومغازه محتوياتك كندى مالى اولديغى دختى مغازه نك تمهيري تاريخندن اتى ماه صكره خدمه سنندن عواديس بالادما محكمه تجارجه جريان ايدن محاكمه ده حقسز لغى ثابت اولد قدن صكره مستأنف قيريلك بويله بر ادعايه قالمششم اولسى مال مذكورك اوسكههان افندى يه عائد اولديغنه دلالت ايلديكى جهتهله دعواى واقعه سنده حقسز لغنه و مصارف محاكمه اوله رق زيرده مرقم ايكوز قرق بش غروشك مستأنف رجوع ايتك اوزره مستأنف عليه دن اخذ واستيفه قلمسنه درجه ثابته اكثر يتله قرار و يريله رك طرفين و كيللرينه تفهيم قلدنى

( فى ۴ شعبان سنه ۹۹ وفى ۸ حزيران )  
( سنه ۹۸ تاريخيله محكمه استيناف حقوق )  
( قسمندن و يريلان اعلامك صورتيدر )

فرانسه جمهوريتى سفارتى جانبندن محكمه استينافيه نك

حقوق قسمنه مورود فى ۱۶ صفر سنه ۹۹ تاريخى تقرير و مر بوط اعلام صورتى و لايحه اعتراضيه تدقيق و مطالعه اولدى تقرير مذكورك مالى جمهوريت مشارالها تبعه سنندن اغوستينى ايله تبعه دولت عليه دن متوفى احمد زيجى افندى ورثه سى خديجه شريفه و منيره شريفه خانم و احمد و اصف و ناشد بكار بندنه تكون ايدن دعوى حقه نده بك اوغلى بدايت محكمه سى برنجى حقوق دائره سنندن فى ۹ تشرين ثابى سنه ۹۷ تاريخى و در تيوز اللى التى عدديه و يريلان اعلام حكمنى مرقوم اغوستينى عدم قبول ايله استينافاً تدقيقى استندا ايلديكى كندى كيفيتك استينافاً فصل و حسمنى ملتسدر

مذكور اعلامك خلاصه مالى دختى قله قپوسنده شاهقولى محله سننده بشيوز اللى سكر نومرو ايله مرقم متصرف اولدقلى اولدى سنه اول مورثلرى حمدى افنديك حال حياتده يديوز ليرا بدل ايجار مقابلنده مرقوم اغوستينى يه باقاوله نامه ايجار اولنش و مؤخرأ مذكور مقاوله نامه فسخت ايله ديكر بر مقاوله نامه تنظيم ايلش ودها صكره محكمه يه مر اجتهله حكيم و اعلامه ربط اولنه رق مدت منقضيه اولش ايسه ده قونظور اتوده ختام مدندن اوج آى اول خبر و يريلور ايسه بش سنه ايچون دهها تجديد عقد ايلش عد اولنه جغى حقه نده برقره مندرج اولسندن ناشى مرقوم اغوستونى بوكا استناداً مدت ختامندن ايكى آى اول مامور مذكوره بش سنه مدت اقامت ايتك اوزره طرفلرينه برقطعه پروتستو ورقه سى تبليغ ايتديرمش و فقط كندولرى مدت ختامندن صكره سيچون تجديد عقده قطعاً موافقت ايتيه جكلرندن و ختام مدته ماجورك بالتخليه

طرفلرینه ترك و تسليمی ایکی سنه اول رسماً مرقوم اغوستینی به پروتستو ایله اخبار ایتمش اولدقلرندن و ختام مدته دخی برقاچ کون قالدیغندن مأجورک تخلیه سیله طرفلرینه تسلیمی ومدت انقضاسیندن اون ایکی ساعت ظرفنده تسلیم ایتمدیکی حالده یومی اون بشر لیرا و یرمسنی متوفی احمد زجعی افندی ورثه سی و اصف و نالشد بکار ایله خدیجه و منیره و ناشده خانم لر و فطنت خانمک استیناف و تمیزه شامل اولمق اوزره و کیلی زوجی رؤف بک فرانسه سفارتی ترجانی محضرنده استدعا و ادعا ومدعی علیه اغوستینی دخی کرچه مستأجری بولندیغی مذکور اوتلک ایجار مدتی ایلول ابتدا سنده یعنی بش کون صکره ختام بوله جتی ایسه ده مذکور مقاله نامه ده محرر بر ماده یه استناداً کندوسی دیلدیکی حالده بش سنه ایچون دها تجدید عقد ایتمک اقتدارینی حاز اولوب ماده مذکور حکمنه توفیقاً اولجه متصرفلریندر سما و تحریراً اعطای معلومات ایتمش اولدیغندن مأجور مذکورده بش سنه دها اقامته حتی درکار بولندیغی و بوندن بشقه تجدید عقده موافقت ایتمک لرینی حاوی کندوسسنه سنند دخی و یردکارینی افاده ایله معرض اثباتده برقطعه مقاله نامه ایله درت قطعه علم و خبر و اوچ قطعه پروتستو ورقه سی ابراز و اعطا ایتمش ولدی المطالع بونلردن مذکور مقاله نامه خدیجه شریفه و منیره و احمد زجعی مهر لریله مختوم اولوب مألئ احمد افندی تک متصرف اولدیغی مذکور اوتلک بیک سکر یوزیتش سکر سنه سی ایلول تک ابتدا سنندن اعتباراً بش سنه لکی سنویسی در تیوز اوتوز عدد عثمانلی لیراسنه اولمق ومدت ختامندن اوچ ماه اول مستأجر شرائط مندرجه سیله بش سنه دها تمدید اولمسنی تحریراً بیان ایتمدیکی حالده بش سنه دها تمدید قلمتی اوزره مرقوم اغوستینی به ایجار اولندیغنی بیاندن عبارت

اولدقدده کرچه تجدید عقد مراد اولندیغنی تقدیرده اوچ آی اول مستأجر طرفندن موجر لره اخبار ایدیله جکی مارالذکر مقاله نامه تک جمله مندرجاتندن ایسه ده اجاره ده ایجاب و قبول شرط اولوب فقره مذکوره ایسه ایجاب و قبوله دلالت ایتمیوب بروعد مجرددن و مذکور مقبوض نامه لره اولان عبارات دخی بوقیلندن بولمیش اولدیغنه و جمله حکمنجه ایجارک محتنده الفاظ عقد موجود اولمق لازم کلوب وعد ایله عقد صحیح اوله میه جغنه و ذاتاً سندات مبرزده حصه دارانک کافه سنک مهر و امضای اولما سنه منی شو حالده مدعی علیه اغستونینک در میان ایلدیکی تجدید عقد ادعاسنک ردیله اعلامک بر نسخه سی جانب سفارته تبلیغ اولندیغنی تاریخندن اعتباراً اون بش کون مدت ظرفنده املاک مذکورده یه بالتخلیه هیئت اسلیه سی و اجرت سابقه سی و جهله ایشلیه جک اجاره سیله برابر مدعی لره ترك و تسلیمه اغستونینک مجبور اولمسنه ومدت مذکورده ظرفنده تسلیم ایلمیه جک اولور ایسه مدعی لره طلب مشروحنه منی اندن صکره سیچون یومی اون بشر لیرا اجاره استیفا ایلمسنه قرار و یردیکنی مبین بولمیشدر

مذکور لایحه اعتراضیه تک مألئ مقاله نامه ده محرر فقره مذکورده تک بروعد مجردی متضمن اولمیوب شرطه معلق بر عهدی محتوی اولدیغی فقره مذکورده تک عموم ورثه طرفندن قبول اولندیغی و مرقومونک برنجی بش سنه ختامندن اول کنندی طرفندن اقاله عقد ایجار ایلدیکی حالده سکر یوز الی لیرا تضمینات ایستیه جکلری حقه ده اولان تکلیفلریله مثبت بولندیغنی و امر و موافقتلریله مذکور اوتله اجرا ایلدیکی صصارف تعمیر یه دن طولانی ورثه مرقومه ذمترلنده یکر می التي بیک طقوز یوز التي غروش الاجنی اولدیغی و مأجور مذکورک حین تخلیه سنه

دکین حکم اولسان یومیه تک غبن فاحش بولندیغنی جهت لره حکم مذکورک فسختی مستدعیدر ورثه مرقومه طرفلرندن فی ۱۶ شباط سنه ۹۷ تاریخنده اعطا قلنان لایحه جوابیه ده دخی اعلام مذکور احکام قانونیه به مستند اولوب یومیه اوله رق محکوم اولان اون بش لیرا غبن دعواسنی انتحای ایلمیه جکلندن و مذکور اوتله لزومی کور یلان تعمیرات کنندی طرفلرندن اجرا ایلدیکی مستأنف مرقوم دخی انکار ایلمیه جکلندن بختله حکم ابتدائی مذکورک تصدیق استدعا قلمشدر

احضاراً مستأنف اغوستینی ایله مستأنف علیهم ناشد بک و خدیجه شریفه و منیره و شریفه خانم لر بالاصاله و صغیره ناشده خانمک باجحت شرعیه و صیسی اولدیغی تین ایدن و اصف بک نفسندن بالاصاله و صغیره مز بوره طرفندن بالوصایه و فطنت خانم طرفندن تمیزه دخی شامل اولمق اوزره باسند مصدق و کیل بونان زوجی رؤف بک بالوکاله فرانسه دواتی سفارتی ترجانی مسیو هاوور ومدعی عمومی معاونی عزتلو توفیق بک افندی حاضر اولدقلری حالده کلش و مستأنف مرقوم دخی حضور هیئنده اوخانس بکی توکیل ایلمش ولدی السؤال مدت و شرائط استینافیه سی حقه ده بر دیه جکلری اولدیغنی مستأنف علیهم ایله معاون میر مومی الیه سو نلش اولمق لره اوراق استینافیه مواجهه لرنده بعد القرائه استجواب اولدقدده مستأنف و کیلی اوخانس بک لایحه اعتراضیه مألئ ایضاحه ایتمدارله عاقدین بیننده تعاطی اولسان مقاله نامه احکامنک طرفین حقه ده نافذومرعی بولنه جغنی جمله احکام قانونیه دن اولوب مبحث عنه قونطور اوده ایسه بروجه مشروح ختام مدته اوچ آی قاله رق تجدید عقد ایلمسی اخبار ایلدیکی حالده بش سنه دها تمدید مدت ایدیله جکی مشروط بولمسی وقوع

توفیق بک افندی در صورتی که درجه اولی محکمه سنده مدعی عمومی بولنامه سی قانوناً اعلام مذکورک فسخی ایجاب ایده چکی مثلث بر منطوق قونظورات ختام مدتد اوچ آی اول و قوعبوله حق اخبار ایجاب و قبولک حصرونی مستوجب اوله جغنی بیان ایلدی ایجابی مذاکره اولندقده ورثه مرقومه میانده یتیم دخی بواندیغی حالده دائره ابتدایه جه جریان ایدن محاکمه اثناسنده مدعی عمومی بولندیرلماش اولدیغی اعلام مستأنف به مندرجاتیله محقق اولسنه و اساس دعویاه کلجه مجکوت عنه مقاوله ده مدت اجاره نیک ختامه اوچ آی قاهره مستأجر طرفندن اخبار کیفیت ایلدیگی تقدیرده بش سنه دهها تمدید مدت ایده چکنک درج و تصریح ایلدی مستأجر طرفندن مستوجب و اولوجهله مستأجر طرفندن و قوعبولان اخبارک قبولنی موجب اوله جغنه و مستأجر مرقوم اغستونینک بوجه مقاوله و قوع اخباری ایسه ورثه مرقومه نیک درجه اولی محکمه سنده سبق ایدن اعترافلری و مار الذکر پروتستو ایله محقق اولسنه مینی اعلام مذکور حکمنک فسخیله مرقوم اغستونینک منازع فیه اولان مذکور اولنده قونظوراتوی مزبورمدتی ختامندن اعتباراً بش سنه دهها اقامه حق اولدیغنه و اعلام و صورت و تبلیغ خرچلری اولان بوزطقسان غروشک مع مصارف ساره مستأنف علیهمه عائد اولق اوزره مستأنف مرقوم اغوستینیدن اخذینه فی ۲۲ مارت سنه ۹۸ تاریخده بالاتفاق قرار و یریلرک ترجان و معاون مومی ایله حاضر اولدقلمی حالده اصیل و وکیل مومی ایله هم قههم قنددی

اخبارک مستوجب ایجاب و قبول بولندیغنی معلن بولوب یعنی ورثه مرقومه نیک ایجابی شرط مذکورک درج و تحریر یله متحقق و موکلنک قبولی اخبار کیفیتله محقق اولوب بوضورتله مجله احکامه موافق اوله رق حاصل اولان عقده و عد قیلندن دینلسی نابجا و مجله نیک در تیوز قرق در دنجی ماده سی موجبجه احد عاقدینک شرط واقعی ایجا ایله اجاره بی فسخه مقتدر اوله میه جغنی امر هویدا بولندیغندن و طلب اولنان اون بش لیرانک نه نام ایله ایستلیدیگی مشکوک و مجهول اولوب اجاره اولدیغی تقدیرده غبن فاحش اولدیغی در کار و زیان مقابلی ایسه قانوناً غیر مقبول اوله جغنی آشکار اولدیغندن و بتخصیص ورثه مرقومه میانده یتیم بولندیغنی حالده درجه اولی محکمه سنده مدعی عمومی بولندیرلماش ایدو کندن بختله حکم ابتدائی مذکورک فسخی ادعا و تعیرات واقعه نیک ورثه مزبور نیک اجازت نرینه مقارناً و کللی طرفندن و قوعی بدیهی ایسه ده بوبایدکی حقوقی محافظه ایله آروجه ارایه جغنی افاده و انباش و مستأنف علیهمندن مومی ایله رؤف نیک دخی مقاوله نامه ده مندرج بولنان قید مجکوت عنهنک ایجابی معلن و تمدید مدت اجاره بی مستوجب اولیوب و عد قیلندن اولدیغنی جهتله اولبایدکی اعتراض مردود و ضرر و زیان مقابلی اراییلان اون بش لیرا قانوناً احد اعتدال و درجه قبولده بولنش اولدیغندن و حکم ابتدائی یتیمک لهنده صادر اولق حسینیله مدعی عمومی نیک عدم حضوری حکم لاحقک فسخی ایجاب یتیمه چکنندن اعتراضات واقعه نیک ردیله اعلام مستأنف به حکمنک تصدیقنی بیان و تذکار و ورثه ساره دخی میر مومی ایله هک افاده مبسوطه سنی تکرار ایش و عند السؤل هر ایکی طرف بشقه دیه چکری اولدیغنی سولیش اولر یله محاکمه نیک ختام بولدیغنی بیلدیریله مطالعه سی

( فی ۱۱ شعبان سنه ۹۹ و فی ۱۵ حریران )  
( سنه ۹۸ تاریخیه محکمه استیناف حقوق قسمندن )  
( و یریلان اعلامک صورتیدر )

صماتیله میرا خورده ساکن تجاردن نیقولای فوئیادی و کیلی صیوه جی اوغلی یوانای امضا سیله فی ۱۳ نیسان سنه ۹۸ تاریخده محکمه استیناف حقوق قسمنه اعطا قلنان عر ضحال ایله مربوطی بولنان اعلام و لایحه اعتراضیه مطالعه اولندی

عرضحالک مالی موکلی نیقولای فوئیادی ایله مقری کوینده ساکن طناس و ادهم اغا یینلرنده اولان دعویاه دائر چکجه صغیر بدایت محکمه سندن فی ۳۰ مارت سنه ۹۸ تاریخنی و ۳ عددی ایله و یریلان اعلام حکمنی موکلی عدم قبول ایله شرایط مقتضیه سنی ایفا ایلدیکنندن دعوانک استینافاً رؤیتنی مستعد عیدر

مذکور اعلامک خلاصه مالی مرقوم نیقولای فوئیادینک استیناف و تمیزه دخی شامل اولق اوزره و کیلی صیوه جی اوغلی یوانای افندی موکلنک قریه مذکورده واقع متصرف اولدیغنی برقطعه باغ متصرفه اولی طاریس قادی طرفندن اقدجه باقونظوراتو مرقوم طناسه ایجار ایلش ایسه ده مستأجر مرقوم ایکی سنه لک متر اکم اجاره سنی تأدیله ایتدیگی مثلث مدت ایجار منقصیه اولدیغنی حالده مأجوری تخلیه و تسلیم ایتدیکنندن بشقه شخص آخر ارنبود ادهم اغایه ایجار ایلدیکنندن مذکور باغک تسلیمی و متر اکم بدل ایجارک دخی مرقوم طناسندن تحصیلنی ادعا و برقطعه قوچان ابراز و اعطا ایتکله لدی مطالعه فی ۴ کانون ثانی سنه ۹۷ تاریخنی و بش نومرولو اولوب در سعادت محکمه استیناف

حقوق قسمندن صادر اولان اعلام موجبجه اجرا دائره سندن مورود تقریر اوزرینه دفتر خانه مأمور لغندن نیقولای فوئیادی عهده سنه فراغنک اجرا قندیغنی آکلاشلدقندن صکره مدعی علیهما طناس و ادهم اغارک کذلک استیناف و تمیزه دخی شامل اوله رق و کیلی سلیمان افندی دخی موکلری مذکور باغی متصرفی عداولنان تری باشی عنکلای ورثه سندن باقونظوراتو استیجار ایتدیگرنی بونک ایچون ورثه مرقومه ایله طاریس قادی بیلنده متکون مواضعه دعواسی محکمه تمیزه در دست رؤیت بولندیغنی و بناء علیه مدعینک موکلرینه خصم اوله میه جغنی بیان ایله محکمه تمیزک برقطعه علم و خبرینی ارایه و اعطا ایتکله بودخی مطالعه اولندقده ذکر اولنان مواضعه دعواسنک محکمه تمیزه در دست تدقیق بولندیغنی مبین اولغله محاکمه ختام و یریلرک ایجابی لدی المذاکره مدعا به اولان مذکور باغ در سعادت اجرا دائره سندن مورود تقریر اوزرینه دفتر خانه جه قوچانی قطع ایله ۴ کانون ثانی سنه ۹۷ تاریخنده مدعی نیقولای فوئیادی عهده سنه فراغنک اجرا قندیغنی آکلاشلش ایسه ده عنکلای ورثه سیله طاریس قادی بیلنده بونک ایچون متکون اولان مواضعه دعواسی هنوز صورت قطعی حاز اولیوب محکمه تمیزه اولدیغنی ابراز ولنان علم و خبر مندر جاتیه تحقق ایلدیگی و مذکور باغ ایسه عنکلای ورثه سندن صورت رسمیه ده مدعی علیه ادهم اغانک عهده استیجارنده اولوب ایشک محکمه تمیزه در صورت قطعی حاصل ایلدیجه قدر تخلیه و تسلیم حقنده طبیعی برشی نیله میوب مدعینک شمذیلک ادعا به حق اوله میه چکنندن دعواسنک ردینه قرار و یرلدیکنی میندر

اعلانات

هرمز اوغلی اوسب ایله اغیا ولد ابراحام ومارد پروس  
وکیغورق ولد اوخانسیک  $\frac{۹۹}{۸۳}$  نومرولی اعلام  
موجبجه لوسیقہ قادینہ دینلری اولان مبالغ معلومه نك  
تسویه سیچون بك اوغلبنده بتقالتی محله سنده چن  
زقاندہ اوتوز نومرولی خانہ لری تاریخ اعلاندن  
اعتباراً اون بش ~~کون~~ صکره بلزایدہ فروخت  
ایدیله جکی بك اوغلی بدایت محکمه سی اجرا مأموریتی  
جانبدن اعلان اولنور

فی ۷ تموز سنه ۹۸

فخری افندیك حلیم افندی به  $\frac{۹۸}{۳۳۰}$  نومرولی اعلام  
موجبجه دینی اولان مبالغ معلومه نك تسویه سی  
ضمینده مدیون مومی الیهك بشکطاشده سنان پاشای  
عتیق محله سنده طاش اسکله زقاندہ ۳۹ و ۴۳  
نومرولی ایکی باب قایقخانہ ایله ۴۱ نومرولی برباب  
ساحلخانده متصرف اولدیغی ربع حصه شایعه سی  
سکزییک سکزیوز غروش بدل ایله طالبی عهده سنده  
تقرر ایلدیکندن اشبو طقسان سکز سنه سی تموز نك  
اون ایکنجی کونندن اعتباراً سنه مرقومه اغستوسنك  
اون اوچنجی کونته قدر اوتوز برکون طرفنده تقرر  
ایدن بدل مذکور اوزرینه یوزده بش ضمیمه طالب  
اولانلرک بك اوغلی بدایت محکمه سی اجرا دآره سنه  
مراجعت ایللری اعلان اولنور

فی ۱۵ تموز سنه ۹۸

مطبعة عامر ده طبع اولندی

لايحه اعتراضیه فی ۱۱ نیسان سنه ۹۷ تاریخلی  
ونیقولاکی وکیلی یواناکی امضالی اولوب خلاصه  
مالی عنکلاکی ورثه سیله طارس قادین بیننده تکون  
ایدن مواضعه ماده سنك محکمه تمیزده در دست  
رؤیت ایدوکنه دائر مرقومان طنناش وادهم اغار  
طرفندن اویله برعلم و خبر ابراز اولنمیوب یا لکزر شخص  
ثالثه عائد بولنان احضار پوصله سی ابراز اولنمش  
اولدیغندن محکمه مزبوره نك بواحضاره علم و خبر در  
دیمی و ذکر اولنان باغک فراغی محکمه استینافک  
حکم قطعیسی و اجرا مأموریتی معرفتیه طاریس  
قادین عهده سنه اجرا قلندیغی حالده درجه اولی  
محکمه سنك خصمی طرفندن در میان اولنان مواضعه  
دعواسنی استماع ایلسی و محکمه استینافدن ویریلان  
حکم قطعی عنکلاکی ورثه سنه صورت رسمیه ده تبلیغ  
و حکم واقعک اجرا قلنه جغی جانب اجرادن ورثه  
مرقومه یه با اخبار نامه بیان قلندقدن درت آی صکره  
ورثه مرقومه مذکور باغی ادهم اغایه باقونظورا تو  
ایجار ایتمش اولدقلرندن بو عقد ایجارک حکمی اوله  
میه جغی در کار ایکن درجه اولی محکمه سنك بروجه  
مشروح معتبر طومسی مخالف قانون اولدیغنی  
ادعا دن عبارتدر

تبلیغ اولنان اخضار ورقه سی اوزرینه مستأنف  
نیقولاکی فوتیادینک وکالتنک استیناف و تمیزه دخی  
شمولی اولدیغی اعلام ابتدائیه کوستریلان یواناکی  
افندی کلش ایسه ده مستأنف علیهما ادهم اغا و طنناش  
تعیین اولنان کونده محکمه ده حاضر بولنه جقلرینی  
ورقه احضاریه زیرینه اشارتله امضا ایتمش اولدقلری  
حالده کلامش و مستأنف وکیلی دخی غیاباً رؤیت دعوی  
اولنمیسی طلب ایلش اولدیغندن بر موجب قانون مستأنف  
علیهما ایچون ابراهیم شوقی افندی وکیل مسخر  
تعیین قلنه رق اوراق استینافیه مواجهه لرنده قرائت  
( بقیه سی صکره )